

quodq; remanet, sincerius est, & aptius ad cōseruandum. Extrahit autem Dioscorides, quando Gentianæ & Centaurij minoris radices tufas, quinis diebus, aqua macerat, & decoquit, donec eminare incipiāt: tum, quod linteo percolauit, igne cogit in mellis crassitudinē. Hoc nimirum est vires aqua elicere: aquam subinde cocturæ beneficio deintegro separare. An ergo perperam Andernacus à Græcis primū iuuentam & exercitam fuisse extractionem dicit? *ἐκχύλωσις*, vel *ἐκχύλωμα* nominatam, falsoque à nonnullis Paracelso, tanquam primo inuentori tributam?

Lib. 3. c. 3.

c. 7.

Comm. 2.

dialogo 2.

de veteri

noua Med.

Hæc ita cum sint, quis negabit iisdem medicamentorum præparandorum ritibus, Medicum & Chymicum probè consentire: vt hætenus nō satis mirer, tam hostili odio inuicem dissidere ambos. Quod vnde nascatur dispiciendum non nihil est, an non affectuū maior infirmitas heic occultetur, quàm vllagruioris errati culpa subfit. Eximiè vterq; contendit, simplex medicamentum præparationis artificio, corpori sanando quàm maximè idoneum studiosè ela-

G 3 borare.